

0.0.1 sattisatasuttaṃ

1. seyyathāpi bhikkhave, puriso vassasatāyuko vassasatajīvī tamenam evaṃ vadeyyuṃ¹ "ehambho² purisa pubbaṇhasamayam taṃ sattisatena hanissanti, majjhantikam samayam sattisatena³ hanissanti. sāyanhasamayam sattisatena hanissanti, so kho tvam ambho purisa, divase divase tīhi tīhi sattisatehi hañña-māno vassasatāyuko vassasatajīvī vassasatassa accayena anabhisametāni cattāri ariyasaccāni abhisamesasīti⁴.

2. atthavasikena bhikkhave, kulaputtena alam upagantum. taṃ kissa hetu: anamataggoyam bhikkhave, saṃsāro, pubbā koṭi na paññāyati sattippahārānam asippahārānam⁵ evaṃce taṃ bhikkhave, assa. na kho paṇāham bhikkhave, sahadukkhena sahadomanassena catunnam ariyasaccānam abhisamayam vadāmi. api cāham bhikkhave, saha⁶ sukhena sahasomanassena catunnam ariyasaccānam abhisamayam vadāmi. katamesam catunnam: dukkhassa ariyasaccassa, dukkhasamudayoti ariyasaccassa, dukkhanirodho ariyasaccassa, dukkhanirodhagāminī paṭipadāya ariyasaccassa.

¹vadeyya-machasaṃ, syā.

²evambho-sī 1, 2.

³sattisatehi-simu, sī 1. 2.

⁴abhisamessatiti-machasaṃ, sī 1, 2.

⁵asippahārānam usuppahārānam pharasuppahārānam-syā.

⁶sahāva-machasaṃ, syā.

3. tasmātiha bhikkhave, "idaṃ dukkhanti" yogo karaṇīyo, "ayaṃ dukkhasamudayoti" yogo karaṇīyoti, "ayaṃ dukkhanirodhoti" yogo karaṇīyo, "ayaṃ dukkhanirodhagāminī paṭipadā"ti yogo karaṇīyoti.